



27/02/2025



MES 7 25 0000528109

გადაწყვეტილება

ა(ა)იპ - ნიუ ვიჟენ უნივერსიტეტის „ბიზნესის ადმინისტრირების“
ინგლისურენოვანი საბაკალავრო საგანმანათლებლო პროგრამის აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27² -ე მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ - ე მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ - ე მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის მე-8 პუნქტისა და აკრედიტაციის დებულების 27⁶ - ე მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „სრულად ან/და მეტწილად შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ა“ ქვეპუნქტის თანახმად, თუ ყველა სტანდარტთან მიმართებით შეფასდა, როგორც „შესაბამისობაშია სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ, რაც აისახება საბჭოს სხდომის ოქმში.

1.5. აკრედიტაციის დებულების 27⁵ - ე მუხლის მე-7¹ პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. განათლების ხარისხის განვითარების ეროვნული ცენტრის დირექტორის 2024 წლის 02 სექტემბრის №1041393 ბრძანების (ბრძანებაში ცვლილებები: №1342733, 17/10/2024, №1358079, 21/10/2024) საფუძველზე, განხორციელდა ა(ა)იპ - ნიუ ვიჟენ უნივერსიტეტის „ბიზნესის ადმინისტრირების“ ინგლისურენოვანი საბაკალავრო, სამაგისტრო და სადოქტორო, „სამოქალაქო ინჟინერიის მენეჯმენტის“ ინგლისურენოვანი საბაკალავრო, „ჯანდაცვის მენეჯმენტის“ ინგლისურენოვანი სამაგისტრო და „აღმასრულებელი ბიზნესის ადმინისტრირების სამაგისტრო საგანმანათლებლო პროგრამა ინოვაციების მენეჯმენტში“ სამაგისტრო ინგლისურენოვანი საგანმანათლებლო პროგრამების კლასტერის შეფასება.

2.2 საბჭომ შეისწავლა საგანმანათლებლო პროგრამის აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.3 სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ სრულად გაიზიარა ექსპერტთა დასკვნაში დაფიქსირებული შეფასება, კერძოდ:

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² -ე მუხლის პირველი პუნქტის, 27⁵ -ე მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ -ე მუხლის პირველი პუნქტის „ა“ ქვეპუნქტის და საქართველოს ზოგადი ადმინისტრაციული კოდექსის 53-ე მუხლის შესაბამისად,

გადაწყვეტა:

- დაკმაყოფილდეს ა(ა)იპ - ნიუ ვიჟენ უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ „ბიზნესის ადმინისტრირების“ ინგლისურენოვან საბაკალავრო საგანმანათლებლო პროგრამას მიენიჭოს აკრედიტაცია 7 წლის ვადით - 2032 წლის 18 თებერვლამდე.
- ცნობილ იქნას აკრედიტაციის ექსპერტთა ჯგუფის დასკვნა ა(ა)იპ - ნიუ ვიჟენ უნივერსიტეტის „ბიზნესის ადმინისტრირების“ ინგლისურენოვანი საბაკალავრო, სამაგისტრო და სადოქტორო, „სამოქალაქო ინჟინერიის მენეჯმენტის“ ინგლისურენოვანი საბაკალავრო, „ჯანდაცვის მენეჯმენტის“ ინგლისურენოვანი სამაგისტრო და „აღმასრულებელი ბიზნესის ადმინისტრირების სამაგისტრო საგანმანათლებლო პროგრამა ინოვაციების მენეჯმენტში“ სამაგისტრო ინგლისურენოვანი საგანმანათლებლო პროგრამების კლასტერის შესახებ ამ გადაწყვეტილების განუყოფელ ნაწილად (დანართი №2).
- ცნობილ იქნას საბჭოს 2025 წლის 27 თებერვლის სხდომის №210672 ოქმის 01 ნაწილი ამ გადაწყვეტილების განუყოფელ ნაწილად (დანართი №3).

4. დაწესებულებას საბჭომ შესასრულებლად განუსაზღვრა შემდეგი რეკომენდაციები და რჩევები:

რეკომენდაციები:

- რეკომენდებულია კვლევის მეთოდების სწავლების თანმიმდევრული, სტრუქტურირებული მიდგომის დანერგვა ყველა პროგრამაში, რაც უზრუნველყოფს სტუდენტებში მიერ როგორც თვისებრივი, ისე რაოდენობრივი კვლევის კომპეტენციების განვითარებას.
- რეკომენდებულია აკადემიურ საქმიანობაში ხელოვნური ინტელექტის ინსტრუმენტების გამოყენების მკაფიო, მთელი სკოლის მასშტაბით მოქმედი სახელმძღვანელო პრინციპების შემუშავება, რათა სტუდენტებსა და ფაკულტეტს ჰქონდეთ თანმიმდევრული გაგება მისი ეთიკური და ეფექტური გამოყენების შესახებ.
- რეკომენდებულია სასწავლო გეგმაში რაოდენობრივი კვლევის კომპონენტების ფორმალიზება, რათა გაძლიერდეს სტუდენტების ანალიტიკური უნარები ბიზნესის კონტექსტში.
- რეკომენდებულია აკადემიური პერსონალის დატვირთვის სქემის მომზადება ყოველი აკადემიური წლისთვის, რომელიც დეტალურად აღწერს პერსონალის დაგეგმილ აკადემიურ და სამეცნიერო საქმიანობას;
- რეკომენდებულია პროგრამის განმახორციელებელი პერსონალის შესახებ არსებული დოკუმენტები (მაგალითად, პროგრამის პერსონალის სია მათ მიერ წაკითხული კურსების მითითებით, QMS, დანართი 2) იყოს თანმიმდევრული.
- რეკომენდებულია უნივერსიტეტის რეგულაციები შესაბამისობაში მოვიდეს საკანონმდებლო მოთხოვნებთან.

რჩევები:

- სასურველია რამდენიმე კურსის ლიტერატურის განახლება: კორპორატიული ფინანსები, კორპორატიული ფინანსები და ანალიზი, მაკროეკონომიკა. ახალ პროგრამაზე დაშვების ყველა წინაპირობა უნდა განთავსდეს უნივერსიტეტის ვებგვერდზე, რათა უზრუნველყოფილი იყოს ინფორმაციის ხელმისაწვდომობა პროგრამაზე მისაღები წინაპირობების შესახებ - პრაქტიკული, სამეცნიერო/კვლევითი და ტრანსფერული უნარების განვითარება.
- სასურველია ბიზნეს პარტნიორობის შემდგომი გაძლიერება და მეტი პარტნიორული ურთიერთობების განვითარება ბიზნესებთან და ორგანიზაციებთან, როგორც ნიუ ვიჟენ უნივერსიტეტის პირდაპირ პარტნიორებთან, ისე ე.წ. გარე სამყაროსთან, რაც სტუდენტებს უზრუნველყოფს რეალური ქეისებით და საკვანძო პროექტებით, რომლებშიც აისახება დარგის რეალური გამოწვევები.
- სასურველია, რომ ყველა პროგრამა მოიცავდეს საველე გასვლებსა და შემთხვევების შესწავლას, და არა მხოლოდ რამდენიმე იშვიათ შემთხვევას მთელი სასწავლო პერიოდის განმავლობაში.
- სასურველია მეტი დაინტერესებული მხარის ჩართვა კურიკულუმის განვითარების პროცესებში, რაც გამოიხატება მათი პირდაპირი მონაწილეობით შედეგების დადგენაში, კურსის დიზაინსა და უკუკავშირის განხილვაში.
- სასურველია შეიქმნას სწავლების მეთოდების ცენტრალიზებული რესურსი - ე.წ. სასწავლო რესურსების საცავი სწავლების ინოვაციებისა და მეთოდების შესახებ, როგორიცაა შებრუნებული საკლასო ოთახები (flipped classrooms), თამაშის ელემენტების გამოყენება სწავლაში ე.წ. გემიფიკაცია (gamification) და ა.შ., რომელიც ხელმისაწვდომი იქნება ყველა ფაკულტეტისთვის.


- სასურველია სტანდარტიზებული შეფასების რუბრიკის შაბლონის შემუშავება ყველა კურსისთვის, შეფასების კონკრეტული კრიტერიუმებისა და ქვე-კრიტერიუმების დეტალური აღწერით.
- სასურველია საკუროსო ნაშრომში გაიზარდოს დარგზე დაფუძნებული ქეისების რაოდენობა, რაც სტუდენტებს საშუალებას მისცემს იმუშაონ უფრო რეალისტურ ბიზნეს სცენარებზე.
- სასურველია დარგობრივ უნარებზე არჩევითი სემინარების შეთავაზება, როგორცაა ფინანსური მოდელირება, მონაცემთა ვიზუალიზაცია და ბაზრის ანალიზი, რაც ხელს შეუწყობს სტუდენტების კონკრეტულ ინტერესებს.
- სასურველია პროგრამის კვლევის მეთოდების კურსის ფარგლებში დაინერგოს რაოდენობრივი ანალიზის სწავლება, რაც ხელს შეუწყობს სტუდენტების ანალიტიკური და მონაცემებზე დაფუძნებული გადაწყვეტილების მიღების უნარების განვითარებას. - სასურველია გაიზარდოს რეალური ბიზნეს ქეისების ან რეალური სიმულაციების მრავალფეროვნება და სიხშირე.
- სასურველია დაემატოს სემინარები ან არჩევითი მოდულები ბიზნეს უნარებში, როგორცაა ფინანსური მოდელირება, მოლაპარაკება და ბიზნეს კომუნიკაცია.
- სასურველია საგანმანათლებლო პროგრამა უკეთ მოერგოს შრომის ბაზრის საჭიროებებს. ჩატარდეს დამატებითი კვლევა, რომელიც კონკრეტულად შეისწავლის დამსაქმებელთა მოთხოვნებს სასურველ უნარებსა და კომპეტენციებზე.
- სასურველია დაინტერესებული მხარეების, განსაკუთრებით აკადემიური პერსონალისა და სტუდენტების ჩართულობის გაზრდა სწავლის შედეგების შემუშავების პროცესში.
- სასურველია სილაბუსები უფრო დეტალურ ინფორმაციას შეიცავდეს სხვადასხვა ტიპის გამოცდებზე სტუდენტების შეფასების შესახებ. სილაბუსებში მოცემული შეფასების სისტემა აჩვენებს მხოლოდ მაქსიმალურ ქულებს სხვადასხვა ტიპის გამოცდებისა და მათი კომპონენტებისთვის. თუმცა სილაბუსებში არ არის დეტალური ინფორმაცია იმის შესახებ, თუ როგორ შეფასდებიან სტუდენტები არასრული პასუხებისთვის.
- სასურველია რამდენიმე კურსის ლიტერატურის განახლება: კორპორატიული ფინანსები, კორპორატიული ფინანსები და ანალიზი, მაკროეკონომიკა.
- სასურველია დამყარდეს მეტი პარტნიორობა ბიზნესებთან და ორგანიზაციებთან სხვადასხვა სექტორში, რაც ყველა პროგრამაზე უზრუნველყოფს რეალური სიტუაციების შესწავლას, საკონსულტაციო პროექტებსა და სტაჟირებას, და სწავლების მეთოდებს დარგის პრაქტიკასთან შესაბამისობაში მოიყვანს.
- სასურველია რეგულარული, სტრუქტურირებული ტრენინგ სესიების დანერგვა თანამედროვე სწავლების ტექნიკებში, როგორცაა შებრუნებული საკლასო ოთახი, გეიმიფიკაცია და სტუდენტების მიერ წარმართული სწავლება, რაც უზრუნველყოფს თანმიმდევრულობას და ეფექტურობას ფაკულტეტის მასშტაბით.
- სასურველია გაიზარდოს სავლე გასვლების, დარგის ვიზიტებისა და გარე აქტივობების რაოდენობა ყველა პროგრამაზე, რაც გააძლიერებს პრაქტიკულ ასპექტებს და უზრუნველყოფს სტუდენტებს შესაბამის სფეროებთან პირდაპირი კონტაქტით.
- სასურველია შემუშავდეს უკუკავშირის ისეთი სისტემა, სადაც სტუდენტები შეძლებენ სემესტრის განმავლობაში გააზიარონ მოსაზრებები სწავლების მეთოდების შესახებ, რაც საშუალებას მისცემს ფაკულტეტს საჭიროებისამებრ დროულად შეიტანოს ცვლილებები.
- სასურველია შეფასების დეტალური რუბრიკების სტანდარტიზება ყველა პროგრამაზე, რათა ყველა სტუდენტმა იცოდეს, როგორ ფასდება მათი ნაშრომი.
- სასურველია გადასვლა კომპეტენციებზე დაფუძნებულ შეფასებაზე, სადაც შეფასების თითოეული კომპონენტი პირდაპირ ზომავს კონკრეტულ სწავლის შედეგებს ან კომპეტენციებს.

- სასურველია აკადემიური კეთილსინდისიერების მკაფიო პოლიტიკის შემუშავება, რომელიც განსაზღვრავს პლაგიატისა და სხვა სახის გადაცდომების კონკრეტულ შედეგებს.
- სასურველია უნივერსიტეტმა უზრუნველყოს ფაკულტეტის ყველა წევრის მომზადება ამ სტანდარტებში და მათი თანმიმდევრული გამოყენება.
- სასურველია პირველ და განმეორებით გამოცდებს შორის პერიოდის გაზრდა.
- სასურველია სასწავლო პროცესის დაწყებამდე საკონსულტაციო საათების ცხრილის შემუშავება და მისი ხელმისაწვდომობის უზრუნველყოფა.
- სასურველია მარკეტინგის ლექტორებმა სტუდენტებს მისცენ საშუალება პრაქტიკულად აჩვენონ რა ისწავლეს კურსის ფარგლებში.
- სასურველია "საგანმანათლებლო პროგრამის რაოდენობრივი მაჩვენებლების შესახებ ინფორმაცია" შეივსოს სრულად.
- სასურველია სტუდენტების ჩართულობის გაზრდა საგანმანათლებლო პროგრამების განვითარების პროცესში სხვადასხვა აქტივობების ფარგლებში.
- სასურველია ადმინისტრაციული პერსონალის ცნობიერების ამაღლება და მხარდაჭერა სფეროში მათი შემდგომი განვითარებისთვის.


5. საბჭოს აღნიშნული გადაწყვეტილება ძალაში შევიდეს 2025 წლის 18 თებერვლიდან.

6. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ. თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) კანონმდებლობის შესაბამისად დაწესებულებისთვის გაცნობის დღიდან, ერთი თვის ვადაში.

საგანმანათლებლო პროგრამების აკრედიტაციის საბჭო
მდივანი
ტეფნაძე დავით



საგანმანათლებლო პროგრამების აკრედიტაციის საბჭო
საბჭოს თავმჯდომარე
ლომინაძე თამარ




№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	ბიზნესის ადმინისტრირება Business Administration
2	ერთობლივი უმაღლესი საგანმანათლებლო პროგრამა	–
3	სტატუსი	აკრედიტებული, 16/08/2016, 97
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	
6	უმაღლესი განათლების საფეხური	საბაკალავრო
7	დაშვების წინაპირობები	-
8	კვალიფიკაციის დონე	მე - 6
9	კვალიფიკაციის დასახელება	ბიზნესის ადმინისტრირების ბაკალავრი Bachelor of Business Administration (BBA)
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0413 მენეჯმენტი და ადმინისტრირება
12	სწავლების ენა	ინგლისური
13	ECTS კრედიტების ჯამური რაოდენობა	240 ECTS
14	განხორციელების ადგილი	ბოხუას ქ. #11, თბილისი, 0159, საქართველო
15	მსჯავრდებულ აბიტურიენტთა საგანმანათლებლო პროგრამაზე სწავლა - სწავლების უფლებამოსილება	-
16	ამ გადაწყვეტილების ძალაში შესვლის თარიღი	2025 წლის 18 თებერვალი
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	–
18	აკრედიტაციის ვადის გასვლის თარიღი	2032 წლის 18 თებერვალი